


花浦集
三



花浦先生朝天航海錄卷之二

天啓五年乙丑春王正月初一日庚戌晴四更量偕
冬至使一行詣五鳳樓前恭行賀正禮 天子御皇
極門受朝賀儀節一與冬至但大計年也十三省皆
來覲丁東劍佩之聲洋溢內外庭矣朝退出東長安
門通街大陌翠黛紅粧絡繹不絕蓋以歲時相賀也
是夕秦仁男還自良鄉

初二日辛亥晴早朝使小甲等聞見于內閣及禮部
則詔使差出漠然不知復招張國祿再三詰問國祿
笑曰以吾言為真不吾賞也以吾言為偽不吾罪也

何必怛怛然做作虛語公若不信俺當騰聖旨本
文來快泮疑實又詰曰苟如此他小甲等胡不曉得
國祿答曰 皇朝例於獻歲歲春前後三四日百司
廢坐印信不開故時未下閣部而王胡兩太監非但
親昵於魏太監最寵於 皇上故特以內旨差出彼
小甲等得易曉夕國祿騰示 聖旨本文明白無疑
始草狀啓

初三日壬子晴曉頭秦仁男賁持狀啓還歸內靈臺
奏有星大如甕色赤光明燭地自東而西

初四日癸丑晴早朝閣部下吏及牌子小甲等以封

典重事告成肩磨踵接自朝見星刻求銀登一則曰
容錢二則曰喜錢容者先容圖事之云也喜者報喜
竣事之云也蓋以大事垂成經用已竭以來求容錢
者輒作明文立信約以完事為期故爭持契券交手
相符而巧婦不能辦無米之炊良伶不能鼓無絃之
曲千籌萬計不獲已括出負役行囊僅收一千餘兩
真所謂醫得眼前瘡剗却心頭肉者也上年奏請使
貸用負役之銀多至累千而該曹以國儲蕩盡不即
還償故負役等抵死不肖出多有怨言百端開諭後
乃出

初五日甲寅晴閣部下人逐日糜至館中開哄有同
市肆束指齊唇求索不止今日費百金明日費千金
起視門外部吏又至矣一行傾橐更無可辦依上年
例移閏冬至使責應則以為平安方伯及管餉使人
參為賀銀寓商多在這裡是亦朝廷經用也挹彼注
此事甚便宜於是取給焉

初六日乙卯晴提督坐堂始開印職等進謝其助成
縟禮因致禮單則提督大喜即受禮單遜謝而令免
禮曰恐勞使臣

初七日丙辰陰夕小雪是日即入日也陰沴之作可

占不祥相人張前川自蜀新入京師自稱鬼眼其術頗精上副使給銀請來

初八日丁巳晴早朝冬至使書目來收銀事也群議迦玄日中不決云會同館副使郭忠送呈饌楹戶科左給事中沈應時上本曰上供玉食朝廟饗袍猶艱遵明綸嚴考覈以勵激勸以飭庖政云

初九日戊午陰早朝禮部尚書來求人參収合一行董得七斤以送毛摠兵揭帖欲存宗社莫如先急封朝鮮朝鮮本禮義忠順之邦原非有挾以邀封苟冊封一日不完則即東事一日未了東事一日未了則

三韓之局何時得結職屢為朝鮮請冊封不聞大臣
到朝鮮職惟恐其趙宗特議論未定賊兵已渡河云
其於縟禮之成毛將之功亦多矣

初十日己未晴縟禮既成之後尚書初坐堂也職等
往禮部謝竣事曰賀新尤請面謁躬行尚書使下吏
傳言免耳

十一日庚申晴冬至使軍官安士龍來納人參六十
九十文書房傳宣 聖旨曰駕至幄次何人咳嗽大
非法紀著糾義御史查叅來說提督坐堂午後金可
久邀往馬場竹酒而歸

十二日辛酉晴要索喜錢者暫止 天子以為慶陵
告成賚省功倍魏忠賢仰體孝思倡率捐助獨多以
鼓功成不日深可尚俱省查例優叙用彰激勸以完
大典該部知道

十三日壬戌晴提督坐堂答館夫等而去未曉其故
也早朝以煇煇事呈文于兵部未蒙批下是日 天
子始開經筵

十四日癸亥晴早朝提督下館中朝自古以正月十
五日為元宵燈夕城裡大小人徹夜游街放花砲士
女雜沓簫鼓闐咽云而 天子下旨傳示五城嚴禁

民間不許舉放花砲流星并擊鼓踢毬有違玩不導
的省即拏究冬至使以生辰設酌來速

十五日甲子晴民間不得放花砲觀燈太平氣像蕭
索矣自初二日至當日百官具公服朝叅山東道御
史宋禎漢上本曰蠶繭安苗敢發連合奢酋蹂躪我
土地誘擄我撫臣誠從來所未有之違王法所不貸
之賊聲罪致討奚容更緩云

十六日乙丑晴東殿一本緝訪事 帝宣旨曰魏忠

賢勞績久著原蔭徐廷加升一級仍賜勅獎勵以示
優賞銀二十兩綵段二表裡羊酒及新鈔三千貫

聞前後朝臣以鯁直去者相繼而輒奴而僇辱之至
於大臣韓爌朱國禎之告歸亦未聞一言之挽留彼
忠賢以一閹豎愚弄君父箝制朝廷忠諫者謀斥之
異己者陰中之指鹿奸狀不一而足則抑其勞績有
何可稱庇庥第姪恩榮稠疊此所謂蔭弊蘭之荆棘
養蠹物之虫蠹吁可惜哉

十七日丙寅晴雲南巡撫閔洪學上本曰新野夷賊
之兇獍人世所罕見巢窟之險惡懷中所未有恃勇
負固屢剿不悛攻州劫縣全無忌憚迨我兵大集尚
據險抗逆若天生化外另一世界云午後提督老吏

朱姓人來言 天子出帑銀三千兩賜王胡兩人曰
往來盤纏齎此足矣前往朝鮮慎勿多帶跟隨家丁
且毋或要索銀參如有方命則當繩以重律不饒始
王胡二人朶頓我國物貨謀填溝壑極力圖差而及
聞 天語丁寧教旨嚴切頗有悔恨之心云

十八日丁卯晴館夫牌子等聚首相語搯腕相嘆恠
而問其故乃楊連左光斗事也職仍問曰日者二公
陳疏人謂斯何館夫等齊聲曰二公忠直三尺童子
猶服况稍有知識者哉邇者廷議漸乖將置重法必
至殺而後已故方屬錦衣衛等究耳職驚詰曰 聖

天子不能燭其忠赤乎答曰見是魏家政事 天子

何知焉仍咄咄不止

十九日戊辰風朝小甲徐繼仁王有德等持小紙來
示乃至胡兩太監公務事也天啓四年十二月二十
九日該部冊封朝鮮奉 聖旨欽此欽遵外所有先
徑題請誥勅冠服紵絲等件理合移文貴部轉行各
該衙門撰造完畢東送本監以便陞辟起行庶公務
有濟而封典不致稽遲矣為此合用手本前去貴部
煩為查照備行該司速為催給施行須至手本者云
二十日己巳晴而風詔使差出已久辟朝日期且迫

貧後多寡行李節次迫不聞知許令通官等依例進候于其門下事呈文于提督前則尚書以為今者詔使非外間士大夫之比長在內監外國之人不敢相干令小甲探聽行事說與陪臣云

二十一日庚午晴而風 天子命王敏政順賚毛督府欽賞 帝曾詔兵部運送餉銀五十萬兩于毛督府軍中而兵部中間剋減累萬兩人言傳播魏忠賢另差人行查于毛營時未還來云

二十二日辛未晴提督坐堂光祿寺送下程禮部擇吉本月二十六日筵宴朝鮮陪臣奉 聖旨省尚書

林堯俞待朝儀兵科右給事中董承業上本曰東南之水旱方殷西北之盜賊肆起粵東鼓譟辱及于執法之巡方陝西遼民再踵于長興之故事閩海之紅夷甫靖二東之妖寇方平東之遼南之溟一日未奠則所需于中國之物力又日急一日也

二十三日壬申載陰載陽終日以風禮科章允儒一本會舉屆期事奉 聖旨方今仕途壅滯會試中式舉人限三百名云登萊巡撫武之望上疏言額餉屢催不至飢兵枵腹可虞懇勅山東撫按就近督催以救燃眉以濟隱憂事

二十四日癸酉朝陰晚晴禮部左侍郎董其昌轉拜
南禮部尚書河南巡按楊芳盛請卹念先儒將程佳
瑛程佳祚准照博士職銜以絀明道伊川俾奉俎豆
香火則庶兩賢之祀與有光而一代之文治增重云
二十五日甲戌風霾大作天地晦冥主客司缺郎中
推本府員外周鏘升補吏部請表章死難貴州安順
府推官徐朝綱贈蔭

二十六日乙亥晴 天子賜宴于會同館尚書林堯
俞奉旨押宴尚書率陪臣北向四拜謝恩執爵而跪
酌酒于地然後始就宴所揖讓之禮頗極溫恭曰招

譯官傳語慰之曰跨海遠來守凍空館良苦良苦歸
心雖切公務有限遠涉鯨濤必待風和幸勿以遲滯
為訝云欸欸之意溢於言表而且以燕席饌品不甚
豐潔召精膳司郎中責之

二十七日丙子晴 天子欽賜下程早朝與副使俱
詣闕下謝恩宴兵科給事中李魯生上本曰書院借
名號為分門立戶之具假講聚為引類呼朋之資請
自今改為忠臣祠大昭勸懲風示海內 帝可其奏
二十八日丁丑晴偕上副使往國子監行謁聖禮冬
至使與書狀官亦尾來素王與十哲諸賢位次無異

我邦第位板無續露坐疑塵蒼然渾無欽敬之道而
講堂齋舍寥閼空虛問于小甲等則邇來尤甚云嗚
呼象教異端為祟而然耶職自渡海以來繇登抵京
二千里間梵宇僧舍還地相望金軀繡佛照耀城市
至於帝里深嚴近密之處緇髡雜糅寺刹蟠聯人皆
迷溺左道世爭諂事非鬼下及公卿輔相而無不盡
然遂使聖路長堙廟貌虛設可勝嘆哉歸路過柴市
欲謁文丞相廟則小甲徐絀仁有般塘塞守者將欲
開門而旋閉拒之恚憤奈何是夕雨雪暫下

二十九日戊寅陰風至午後晴朗提督下粟文許往

天壇天壇在正陽門外南郊十里許奇香異卉羅樹
在左右前後柴壇齋室在其中碧玉為甌白珉為闕
淨拭如凝水儼不可猝踐壇北百步許有曰皇穹宇
者蒼球作瓦水精編簾形圓象天內作兩龕北設玉
皇帝位南面東設太祖位西面境落幽閑清瑩不
可具狀真非下界曾所親也壇之西門外有通觀小
甲等為一行設香于元始天尊之位科禱談涉獲吉
仍設素饌饗之觀覽既迺而還

三十日己卯晴歸德府鎮南有楊老人集妖賊又有
揚拒者糾合山東白蓮餘黨自號義徒或稱靖王又

有八天教主者潛布於潁州碭山且黃臨寰妖言惑
衆謀同潁州人苗短子在豐縣起兵李仲峯自號小
主僭為懿德元年異挿拒抗以別其衆強半於山東
兗泗鄆滕之間其中黃色耀者穢言大罵不遜之語
難以備陳云

二月初一日庚辰晴禮部覆題衍聖公孔胤植誥命
奉旨准照例給與都察院左副都御史喬應甲叅吏
部尚書趙南星年老昏蔽為羣小所欺誤用李三才
左光斗葉向高汪文言魏大中表化中黃正賓陳于
庭楊燾高攀龍鄒維璉謝應祥曹子汴鮑應鰲等遂

致尊權亂政眩惑天聰云彼應甲何物甘為邪魁鷹犬肆其毒手於正人如是乎

初二日辛巳晴縉禮已完譯官草溺於牟利無意發行架鼓黃孝誠拷訊限以十一日啓程太常寺擇卜二月初八日祭先師孔子廟天子遣太學士魏廣微行禮脯時冬至使邀與湯文行酒于馬場

初三日壬午晴而甚風挈亮黃孝誠等督三事完通狀于通政司貴州巡撫蔡復一上本曰各兵作亂破城門喊吶挺鎗圍劫土官楊應瑞于蕃等家搶掠一空兇悍案甚云

初四日癸未晴順義王下朶顏泰寧福餘三衛夷人
莽漢等八十凡貢稱進貢到京當日入會同北館究
獷醜惡之狀不怨正視腥羶臭穢之氣聞可嘔殺矣
初五日甲申晴天子下旨曰朕覽各省試錄湖廣
山東江西福建等省策問內措語粗狂任情恣肆詆
毀朝政譏刺朕躬逞詭譎之詞是非任其顛倒縱
黃之口誣讒罔有顧忌皆因彼時大臣招權納賄主
持于中故各省考官順志占風附會于外朕思遠疆
未復黔省靡寧正右臣勵精求治之時亦士子據忠
吐實之日舍案政而非徇徒凶黨之是悅壞作人之

盛典失祖宗之義意好生可恨難以姑宥付考官方
逢年等八人都着降三級調外任用舉人謝錫賢等
六人革去衣巾罰住三科聊存解網之仁用作維新
之路故諭大學士顧秉謙等連章申救帝竟不聽
初六日乙酉晴詰朝呈文于禮部請免筵宴尚書即
准具題小甲徐繼仁等與堂吏謀增館中負役名數
潛圖冒領欵賞為郎中周鏘所摘發呈文于尚書曰
照得小甲徐繼仁父占衙門每起朝鮮館包攬使費
將役人俱充官職名色冒領欵賞法應懲革依候堂
裁云云而徐繼仁納賄行媚銷不果行

初七日丙戌兩貴州賊奢社輝攻殺巡撫王三善初
社輝遣兵百道攻城及拔以三善首來社輝發銀賞
士仍沉吟曰殺了王軍門意嫌之

初八日丁亥朝雨乍收春氣忽生小桃放萼細柳舒
綠客裡光陰奄屈二月思親一念覽物益增東望白
雲掩淚躊躇而已大理寺添注右寺丞徐大化一本
驕謗同朝互結邪黨使天下之事皆出楊左二人之
手以為富貴功名之地云云等語奉 聖旨楊漣左
光斗全是欺君植黨盤據要津招權納賄共尤竦汪
文言徇情人才摧折已久何熊祥王永光朱一桂陸

卿榮王伉秦聚奎汪慶伯徐揚先郭鞏劉廷宣邵輔
忠妣宗文范得志俱以原官起用赴任舉人童學賢
既無關節准今科會試其餘奸黨已有旨了姑不深
察該衙門知道

初九日戌子晴牌子等折小桃一枝將示于一行以
報春信而譯官等苦止之曰御史時方督行若見此
必驚節序已晚尤用嚴急云譯官用心極為恠戾可
嘆遼薊總督吳用先上本曰職行見兵丁鵠形骨立
淒淡堪憐問之則云餉不濟而人飢料不支而馬死
及八關城賣弓矢而市衣裳者兵丁也

初十日己丑晴廣西道御史劉廷佐上本愚乞考官
方逢年等八人姑薄示懲創舉人謝錫賢等六人罪
尤可原并免罰科闡懸旌設鐸之道立工誦誓箴之
規天子竟不首

十一日庚寅晴自大事已完之後逐日督行且詔使
發程已卜三月六日譯官輩泥於私貨凝然不動猝
致黃孝誠朴仁厚等拷訊罪狀則上副使固止之不
得已解送裨將卞應賢有汎濫作弊之事鞭而若肉
禮部接出聖諭朕第七妹年已長成亦當婚配省
禮部出榜曉諭在京順天等八府官貧軍民人等有

子年十五六許容貌齊整行止端莊父母有家教者
選擇之配合為婚

十二日辛卯晴光祿寺送下程提督李其紀與主客
司郎中周鏘會飲于廓然亭館夫等爭相調之曰清
白學士對酌可觀蓋譏其貪墨敗官也西館牌子劉
紳有殺兄之惡被刑部拿去館人相賀卒以賄免惜
乎中朝政亂何其甚歟

十三日壬辰晴與上副使偕冬至使詣廓然亭酒之
榼子四頭突入饋之酒則無厭請益酒環視不去於
是招通事開喻粹去怒頰豕頤腥臊之氣人皆掩鼻

而過遼東巡撫喻安性塘報西虜劫掠大凌河地職
等統兵救護暫獲首級活禽牛祿一名牛祿云者即
中國游擊官也

十四日癸巳晴遼東寧前兵備道僉事今丁憂袁崇
燠請給暇奔喪曰家有四喪亟許襄葬事念惟奔喪
為守制不奔為棄情制定於天安可以入亂情根於
性豈得以事移亂制拂情必無法之地與無人之野
而後可容矣將恐狗彘不食職餘書奏 天子怒曰
袁崇燠不以君命為重連章瀆擾還着遵旨供職不
准給暇該部知道工部侍郎柳謹以為內帑缺之至

尊華褒國母宮服對景難給酌議通融請以改織昭
節儉供御用急需焉

十五日甲午乍陽乍陰到夜風作誥勅冠服及詔使
所帶頭目并探聽後送譯官姜進元打角柳贊興贊
狀啓還歸本國午後周宗望持饌盒來饋副以畫扇
十六日乙未雨登萊巡撫武之望以為額餉屢催不
至飢兵枵腹可虞請恩勅山東撫按就近催督以濟
燃眉以紓隱憂事書奏 天子下其議

十七日丙申晴小甲徐縉仁以明日領賞票帖來金
可久來訪酒于副使房泥醉而罷工部主事曹欽程

題曰臣隣師濟之中求其披肝瀝膽盡忠于皇上而骨鯁者僅有陳九疇李魯生張訥李蕃周昌晉李恒茂梁夢環張惟一顧其仁等數臣而已此數臣者擊大奸于炙手可熱之日而猶且邪黨尚多隱伏事奉聖旨這本說的是周宗建作令賄聞及鎮八言路薦庇多私引其黨沈華禎以貪檢躡致叅藩又欲引吳煥為接乎至倡建私學于都城內尤屬不法張慎言倚薦趙南星為首功避差謀差任意鵠張同臺安仲竟遭毒手先任曹縣侵盜庫銀三千兩恨后任石三畏查遂捏單劇處王官李應昇專為東林護

黨排擠正人亟引高攀龍以四年前一典吏驟躋從
憲遂棄輿援欲攘北直提學黃尊素以汪文臺冒臺
班即薦座師鄒維璉于趙南星破例得入吏部一味
搏擊善類以助高攀龍魏大中之虐焰此四臣者招
權納賄黨邪循私日無國憲都着革職為民退棄誥
命內周宗建張慎言職私狼籍行彼巡撫按官提問
追贓具奏不許庇護沈華禎吳煥俱降三級安伸仍
以原官起用吏部知道

十八日丁酉朝大霧職與副使偕詣闕下謹受欽賞
部吏引往于吏部朝房明窓淨几深邃可愛前有大

池池南即太廟後苑池東有曰小南城城內飛樓別殿隱映於花柳間云是天子游宴之所池北粉堞逶迤女牆睥睨其內即時御所去天纔尺五冉冉香氣目風可聞午後風雨乍至

十九日戊戌晴周宗望來候曰言犍兵陷旅順口執守將張盤以旼金州地方自此不復守矣先是朝廷以張盤為叅將領兵三千把守旅順口因築城將為圖金復之計至是李永芳率萬餘騎猝至圍其城四日不拔乃解去金穀三假犍詐降誘出城外急擊盡殺之獲張盤以旼時本年正月二十一日也

二十日巳亥晴曉隨副使恭謝欽賞于闕下禮部右
侍郎黃士俊以父喪去位是日辭朝着黑衣服禮畢
用素精裊轎而已赤捧走卒玄衣外郎前呵後擁辟
易而去無棘人戚容夙聞中朝喪禮毀壞今果然矣
二十一日庚子晴天啓五年乙丑三月二十日冊使
發行已卜 皇帝封 王誥文等件準成儀制曰天
覆無私國制總包夫遐裔日臨有道皇仁直密於殊
方選明賢以立之君順輿情而申之命爾署朝鮮國
事姓某諱某才堪荷重度足超群每思伏劍以安邊
幾欲枕戈而報國群情共戴世繫攸攸爰因王母之

陳情時念東方之維翰是用特封爾姓某諱某為朝
鮮國王甫其續茲舊服據乃新猷繼先烈以矢忠懷
永圖而慎德撈航底貢無忘事上之恭倚角成師彌
奮同仇之勇庶幾匪懈永孚于休欽哉封 王妃誥
文制曰作鎮東方已春宜君之度疏榮北闕式資穆
間之賢寵迨有邦誼隆從爵爾署朝鮮國事姓某諱
某妻韓氏鍾英峻閼作配名賢恭有恪于湘簪順乃
徵乎靜瑟新君繼統既符雷壁之占淑媛流芬並牙
如綸之錫茲特封爾為朝鮮王妃於乎賢昭蘭閣儼
令度于河山德贊桐圭竹雄藩于帶礪有加懿範無

皆休榮欽哉又下詔曰惟爾鮮國世著忠勤每當續緒嗣服之初輒以紹封上請示不敢專也念我皇祖曾冊封爾前國王李璋不意頃者以失德見棄爾昭敬王妃金氏具奏國情應以爾姓某諱某嗣立行承大典用鎮東隅今特封爾朝鮮國王命出天朝爰正位號爾爵爾土自茲有屬其該國大小臣民共體朕慎重簡畀之意其務佐王修政餉備固國遏奴光弼朕撻伐之烈庶予一人非有私於爾新王故茲昭示咸使聞知復下勅諭曰皇帝勅諭署朝鮮國事姓某諱某該昭敬王妃金氏奏爾叔李璋以不德

自絕於國臣民繫心倫序相應實在爾謀摠兵官乞
文龍復為代請茲特遣司禮監管文書內官監太監
王敏政忠勇營副提督御馬監太監胡良輔齎詔示
爾國人封爾為朝鮮國王嗣主國事夫王甫除國亂
密通奴彊爾其丕振遠猷益恢先緒預綢繆於境內
襄撻伐於中朝并封爾妻韓氏為王妃特頒賜爾及
妃誥命冕服練幣等件王其祗承無替朕命故諭仍
下諭于平遼總兵官毛文龍曰朕念遼土未平逆酋
驚伏尚緩策勲時懷肝食惟賴爾文武大帥殫力竭
忠設奇制勝期靖夷氛用雪國耻匪頒厚賞何勵純

忘爾提孤軍住剗窮嶋偏將時出奇捷屢聞使達酋
狼顧未遂鷓鴣張已三年矣惟爾之庸朕實嘉尚又思
各將士僇力行間暴露良苦朕曩於督師輔臣有錫
賚矣茲遣內臣司禮監官文書內官監太監王敏政
忠勇營副提督御馬監胡良輔賚持詔諭晃眼冊封
姓某諱某為朝鮮國王道經安島特賜爾銀一百兩
大紅蟒衣一襲以示眷醕其從征將士擒斬功多忠
勤可念朕御前搜括銀四萬兩各樣蟒衣膝襴段疋
一百二十匹畀爾以備賞功之需爾尚益矢壯猷彌
壽勝笑結縲屬國獎率三軍養我全鋒制奴死命使

封疆尅復卽帶礪可盟朕不可食言爾其仰體欽哉
故諭太常寺題請二十八日祭宋丞相文天祥遣順
天府堂上行禮祭太傅于謙恭靖公姚廣孝俱遣本
司堂上官行禮

二十二日辛丑晴晨詣闕下辭朝將發行禮部尚書
以皇極殿開基在闕內未出故不得辭堂遂留欲呈
文跋去提督與館夫同心泥之疑負後輩謀沮行沒
數科罪冬至使一行來別

二十二日壬寅終風且霾天地晦冥冬至使一行往
天壇書狀徑歸職等以辭朝累日不得發行拏致黃

孝誠以下并夾杖督發

二十四日癸卯陰雲劃劉微兩廡織職等往禮部告辭稟受回咨仍使黃孝誠等准受兵部回咨則本部以會試設場未罷故回咨尚未成去午後冬至使來言詔使移文禮部使督陪臣之行曰陪臣何淹滯至令云此必譯官輩憚使臣催行壅閉不令聞也內靈臺占二月十九日戊戌四更候得月犯掩氏宿其國有憂軍在外將死一曰宮中有事大人女主居宿不安刑政失天下兵飢一曰盜賊起將軍誅水虫在中將誅一曰有陰謀大將死屬宋分云

二十五日甲辰晴早朝發行自玉河開出崇文門到
昌義門門內有小私白六七八人帶捍卒數十群荷杖
當途叩馬挽車曰必賂銀叁然後放行不然應有官
責終不許出職等萬端哀乞曰陪臣萬里行瘡五月
留館王事僅完今始還國囊橐盡罄無奈賄何復特
恕之百請不領日漸西矣不獲已傾一行行資給之
始許出門僅得達長店留宿

二十六日乙巳晴曉頭將發程驛子主等牽驛盡送
故留行茲蓋譯官之詐謀也其在館也竣事日久只
拘集輦私貨百計泥行畢竟奸謀窮蹙情狀敗露然

後強顏隨行猶恐使臣疾馳速去則任重難以致遠
陰候驛主中路散亂略無忌憚夙聞譯官之於天地
間別一怪種及使行出城之日輒相語曰當到京裏
好樣為之云以令觀之尤信惟我東方禮義事大二
百餘年歲王月聘玉帛相望而苟如此安能徃來竣
事是必廢朝時妖腰亂領狐鼠進退乘時苟合故此
輩習以為常恣行肯臆誠可痛也是夕四川成都府
舉人蔡如憲漢中鄉貢張鳳翽黃路清等同舍寄宿
接輿語知為以辛酉鄉貢赴今春二月初九日曾試
者語音不相諳慣書字通情職書示曰俺在京裏聽

得二十八日放榜令胡徑歸答曰恐不能中故耳職
又書示曰儵曾未見大國科程之文今公所製勿惜
開視答曰都在亂草中不堪掛諸大人之眼何世情
之相類若是耶可笑如蕙復書曰燕蜀朝鮮俱是宇
宙列壤誠無內外而今觀先生形貌端雅真可尚也
侍生如或早晚雲程小通玉陞容步則他日再覲不
難矣余答曰四海兄弟千載奇逢苟如茂才之言異
時帝城重對此夕之面庸非再世之緣於是作詩
贈行

二十七日丙午晴食後行過霍店歷良鄉縣中火竇

店跨琉璃橋天都館轍萬國祖宗卽涿州新橋宿涿
州南開行一百里初更漢人自北京牽騾而至群言
提督欲治騾子主實興之罪明當拿去某實譯官致
止行之謀也翼明實興牽騾北還餘黨作亂上使裨
將金汝鍾大被滾打毋指為所齒幾斷一行大驚擾
亂良久乃定日晡始發行

二十八日丁未晴晨發行中火新城縣南開騾子主
一人追至更欲棄騾去故是令裨將李長坤等猝胡
拿致將為下校騾主哀乞主人亦愚止之舍焉武作
金朕箇騾子又見失僅得到城地白溝古鎮止宿

二十九日戊申晴發行歷容城義勇館雄縣召伯溝
東林舖中火牟州卽雄縣地也宿任丘縣路傍有數
群兒相聚興謠問諸老翁則翁言謠於近日盛行仍
書示云九九大定法清明節後開花當初只說甕生
牙死在西江月下佛兒十方去胡人對對還家未曉
其意可怪也已

三月初一日巳酉晴而大風行塵雜香人不得開目
中火于河間中和店歷河間府議同上副使流憇于
吾與亭擬遣客裏春懷比到知府以下多官齊會置
酒故不果焉蓋以清明節賞花也于時細柳垂絲芳

草如茵嫩藥濃花極李連村騷人墨客隨處行樂而
殘鞭蹇騾客味偏苦夕抵獻縣商客林劉芳家寄宿
初二日庚戌終風且霾行塵眯目苦不可言路遇金
泥報喜之人借見其榜山東余煌居魁而其餘不暇
考歷東壽竒觀東陽勝聚維河朔麗覽潯沱上流即
今所謂八省通津兩京利涉矣中大富庄腰站獻縣
交河縣交界也宿阜城縣南關陸廷配家

初三日辛亥晴大風吹埃翳暗漫空中大景州渡衛
河宿德州南關陳參家是日卽上也也細草陽坡游
兒歌女弄柳簪花隨處可玩夕得一詩主人餉魚脩

酒

初四日壬子又大風吹埃塵路少行人中大德州土
橋店楊春英家歷季前封邑魯公舊治卽陵縣也宿
盤河店李進材家

初五日癸丑晴晨發東行過臨邑縣土城中大商河
店劉文燦家至濟陽縣西館王洪恩家留宿厨房未
及偕到飢餒困甚二更沽角黍於市療飢

初六日甲寅晴晨發濟陽渡大清河東行三十里中
大張家林劉槐泉家李元亨朴仁厚副使裨將金忠
甲自北京追及于是店渡路江橋宿鄒平縣關張

東藩家父太僕卿張巡登子二人送門子請與相見
曰前秋輶車見過到處留題適會俺出郊外令好客
草草而去迨猶耿耿想目今梅花盛開衆芳媚春幸暫
屈冠蓋惠投綺語再三懇請不得已諾之

初七日乙卯陰曉發徑投張家花園則時尚早公子
未及至矣歸思甚忙不暇遍觀顧瞻超然洞一眉蒼
然遙在雲樹間意甚惘惘渡鹽河至固縣舖蘓見章
家中火午後細雨暫下至金嶺鎮張思禮家止宿

初八日丙辰晴至青州張孟口店趙弘興家中火到
詎米店石應璿家止宿路傍有新造家舍高樓桀閣

極其壯麗燭尾陶壁良材美具不可殫記問諸主人
道是泰昌天啓登極詔使劉翰林鴻訓新卜處而這
箇以朝鮮國銀參侈人耳目矣副使以登牛山落後
而行午後小雨

初九日丁巳晴晨渡汴水河過營丘舊封堯溝放勲
橋古朔古壠中大昌樂縣西開劉守樂家歷安仁舊
治伯夷待清逢萌古里宿維縣北開李桂家

初十日戊午晴朝大霧渡白狼河大維河維河下灘
水深舟行遲故由上淺灘而渡歷孔文舉甘棠晏平
仲故里寒亭古驛王度方式化至王祿店王老貞家

中大渡新河宿新河店富姓家

十一日巳未晴朝霧至沙河店張居士家中火到萊
州西關入孫善繼花園穿城出東門尋來時主人劉
良相家寄宿夜與主人語及嘉靖閣老毛紀事仍問
其子孫有無則子孫極繁且賢有孫名引重者時為
錦衣衛指揮使秀才名錦燦者喜讀書能文章云
十二日庚申陰中大寒橋舖上船沙工鄭德龍自登
州來迎曰言上船慎火失火姜進元所持通報狀啓
及格糧盡燒無遺而副船拾軍一人李元亨奴一名
病死去路遇驟雨馳入新城堡王道竹家止宿

十三日辛酉雲陰細雨晚發不為中火到北馬舖劉世寬家留宿有一秀才白稱呂佐武者來見職仍問日本路程及事情余佯怒曰日本與小邦飲骨之仇也交隣之道從古已絕焉知其路程事情秀才曰公何怒之深也默然而退夜大主人姜躍龍帶其兒來年十餘甚聰明能解文字贈以扇

十四日壬戌陰霾細雨自北馬舖發行中火淳于髡故里姜應全家僅得到登州譯官姜進元以失火留在不敢本國即挈致決罪各舡人來謁盤問諸事則皆無恙

十五日癸亥晴舡具未完留登州前秋備局所謂寶
穀舡秦仁男所往舡白婢舡各一隻時未回泊只餘
三隻舡一行過海極可慮議與上副使姑留待之是
夜雨有一人來言老酋之命者訊其由則云一自梗
化之後天下苦於飛輓稍解卜數者恒筭其命之長
短吉凶事之成敗遲速而其年月日時則已未壬申
丙寅甲午也州人劉亨往棧島付狀啓

十六日甲子朝雨父晴本府以迎候詔使發兵往濟
南府海防道揔兵右都督楊肇基亦自皇城島率舟
師來會楊肇基字太和沂州衛人往年以濟南中軍

擒兗州妖賊徐勝 天子嘉其功欽差鎮守山東提
督各省兵馬平東摠兵官後軍都督府右都督為人
風神凝遠器宇宏深真男子也一日有行官來到肇
基具甲冑郊謁樹舍泥膝執禮甚恭夙間介冑之士
不拜而肇基以一品大將屈節於一微官深可怪也
夕劉亨來訪因問取由則云中朝文武間體面極嚴
故耳我國人高漢老者來謁自言本是延安府人壬
辰東征時隨陳游擊入中原居南京十餘年游擊棄
世後遂流寓于這裏因隸軍簿云其兄高漢金居住
于延安府南新堂未知死生云

十七日乙丑晴職等晨詣軍門進謁謝曰年前蒙老
爺護送得到京裏特揭書帖子大堂諸科俾小邦縶
禮得完此無非老爺恩德再三稱謝畢仍以暇時坐
缸缺小呈文則撫臺辭以詔使一行所坐多至百艘
故不准云旗鼓官方壯猷張斌才請與相見見於大
旁斌才臨清人少讀書中年為武進士故善賦詩以
所著一通來寄韻格頗清茶語間艷稱我國文章吃
吃不離口午後高漢老來饋生梨鷄子又登蓬萊閣
祀聖母廟

十八日丙寅晴石城島守堡官械繫遼僧送軍門斬

之卽受奴酋餉銀偵探虛實者也職等以行李之忙
請覓宴軍門以為是 皇上恩眷朝家大禮不可擅
廢去夕晴川居士吳大斌來訪大斌會稽山陰人坐
詩窮流落于此年七十餘皓髮丹輔燁如神人請談
雅論爽人耳目貌如其心哀其窮搜行橐賙之

十九日丁卯晴鷄初鳴與上副使往舡所祭天妃風
神龍王小聖訖日祭故使臣右叅贊柳潤叅判朴燾
叙正言鄭應斗詰朝軍門送名帖請宴于演武場曰
使書吏許弘業持牌來牌文曰欽差巡撫登萊等處
地方備兵防海資理征東軍務兼管糧餉都察院右

副都御史武為慰勞遠人以利收往事照得朝鮮陪
臣賚進表文事竣縣登四國除本院遣官宴待外所
有跟從負役合行賞賚為此牌仰本官照撥事理即
將發去犒賞銀兩查照發給同來官役以慰勞遠之
意本官回國之日仍報知國王以見本院優異之
典毋得違錯須至牌者右牌仰朝鮮國大陪臣准此
某年月日書吏許弘業承都察院意限本月二十日
徹去午後赴宴饌品豐侈禮數殊優情極繾綣可知
待我國之道矣

二十日戊辰晴子夜往舡所行開洋祭于舡神文曰

苟無陰陽焉得利涉百口安全其盛矣德繇登抵京
克竣王事深思前後罔非神賜復路回棹奮日廟
下洋洋僊僊如在上者盍恒厥德以永終始重念賤
价海隅孤蒙離家去國萬里中原光陰幾何葉脫花
繁高堂鶴髮朝暮倚門膝下稚兒喚爺多時彼此相
懸消息俱疑求諸神道豈遠人情憐我懷親鑑我微
誠護我舟行使我颿風一蹕滄溟旋泊篋封祗薦香
火菲薄不豐神乎顧享恕我躬躬

二十三日辛未早朝進天妃廟焚香島人云是日即
聖母誕辰故上使特舉祀事祈風祭罷微風自南張

帆向巖磯嶼行未半洋風轉從東舡頭自回旋向珍
珠門食頃風轉從南舡頭又回巖磯島乍南乍東風
勢不便細公無定微雨交洒舟大櫓小不得運動遂
下碇洋中二舡亦尾來對浮獨上舡多格軍穿櫓簷
入瘴霧中迷不知所之日將夕南風乍至督舟人舉
帆引櫓夜二更僅得入巖磯島前洋舟人力疲手捩
困臥不能起上舡已在這裏鼎足下描

二十四日壬申毒霧自夜徹朝四塞蓬窗透濕衣被蒸
泄肢體萎蕭終日伏枕槍頭達風且不止故留泊之薰
沐祈風其辭曰海行須舟舟必以風隨向各便或西或

東來者之得去人所送衆皆可挽日亦不乏故神陰陽
善因天時此留彼逐互相護持庸凡自惜君子克明顧
念陪臣竣事帝京旋疆理捐故國故津五日置礮僅脫
珠門樹羽飛候惟允若坤帆檣如織神豈偏哉我思故處
人亦求來青君恪職震莢方開口某曰某利涉孔皆理
宜回次其次吾儕神庶鑑于謀及白帝亟賜祥飈協成
順勢則張雲帆載叩輕柁御氣憑虛任意為計千里滄
溟一棹可濟苟獲於此何德如之敬共牲幣敢請行期
二十五日癸酉晴朝便風自西來督舟人舉碇掛席
使通告于上舡累呼不應俯收描索怪甚發去未半

風力輒息上二舡引槽走入皇城島獨我船落後洄
沿之際南風漸起船往頗疾欲止不得因透入鉄山
嘴前洋南風忽止進退無據於是督舟人引槽則駭
汗如流勞火生叻困莫能運動不得已欲下猫約繩
以繫百餘把繫石垂之終不可測收猫弛艦聽其所
之窮溟環混莫曉故向四顧無一點島嶼而蛟鰐鯨
鰲振鬣揚鬐吹氣作勢或狀如山岳或舞如怒豕穹
窿具顯顛有萬不同奔波駭浪撼地掀天舟中人環顧
喪魄自分必死飲泣相對而已余怡然自遣寬譬於
衆曰汝等勿怖死命也衆軟軟不能語日終高着海

氣蒸鬱一板之外不復識別惟聞水恠相戲之聲喧
慄不止矣所可幸者猶無惡風到子夜不能就寐薰
沐齋肅祭海神其文曰伏以賤价行李浮寄海中險
而不慙事君之忠笑履波濤一心于公萍蹤蕩漾焉
往無天白頭恒戴性命所懸本月戊辰始自登旋三
日珠門二夜鼉磯蟹重鼉微穿槽引故窮溟宵茫黃
帽何力進寸退尺奮飛無翼同行盡後矣旆勞役薄
暮傍撓上下涵碧蛟螭振鬣鯨鯢鼓唇境非人世誰
念孤臣魚蝦為侶鷗鳥為隣乃施陰德惟望於神矧
茲額蒙堂有老親膝下離久天屬情何暮倚門邊鶴

髮婆娑言思及此雪涕漣瀝裡斑衣歸舞何時神
乎鑑表亟賜便風使舟如馬逆帆如鴻後命覲母則
莫大恩至誠所發寧憚禮煩敢薦菲薄母曰不飲更
怒丹烟庶幾來歆因祭柳朴鄭三靈其文曰諸公俱
以大夫之賢者卓犖先輩在天啓年初使乎謀對
誦詩三百克竣王事而退惟時虜梗于遼水道始通
於滄海忠能獨賢險而何懃一葉微茫溟渤所匯豈
意砲車之作惡臭厥載明月不歸白雲蒼梧死亦國
耳魂應有知於海隅仍使節之聯翩認三靈之護持
自公之去今七歲人人皆得以全歸所以謂之忠鬼

亮造化之良能邈故國之歸津更祗事於英靈某叨
忝下价之列官以書狀為名既蒙冥祐唯勅帝京一
年芳草千里行雲懷親局極慙闕徒勤想龍顏芳負
晨夢鸛髮芳倚門飛不可以奮翼昂象符於乘舟冀
神明之澄此謀協臧於陽侯忠信一心豈間死生而
異同鞭蛟鰐而帖伏借西來之便風而布帆無恙歸
芳寔賴諸公神庥幾照臨余衰歎茲飯筒祭罷俱以
祭物投諸海中香火纔收旗脚忽轉將曉風力漸緊
急促舟人放船則篙師等以為昏瞋如漆不知所向
何方若山大風所駕誤為暗礁所碍則必破碎淪沒

將若之何余以為我國在東燈前按定南針順風也
即為舉帆艍往如箭黎明抵平島以上副艍落後下
碇待之

二十六日甲戌朝霧昏濤海氣濕熱暝燥相熏洲島
不可分日將午上副使二艍相繼而來解纜放艍齊
綽擊汰潮蹴風烈迅疾如飛日晡時到長山島留泊
二十七日乙亥晴朝三艍共向石城島行繞十里許
海氣忽蒸瘴霧四塞數步之內僅分人顏色仍與上
艍相失獨與副艍到石城島後洋遂風送潮進不得
寸遂留播夜半雨下如注雷電相隨魚龍助勢氣像

前漢書卷之二
三十二
可愕舟人恐惡風且作移棹近島依泊吹角懸燈令
副舡相識而來於是二舡舉火相應極力引櫓質明
入內港同泊

二十八日丙子晴遂風猶吹留石城島與副使會說
上舡相失之故副使亦以為樵汲之故尚留長山島候
風耳港口有唐舡一隻問之則答云太德立茅賀穀
舡而曾受準價二月初二日自登發舡抵此無便風
尚留

二十九日丁丑晴海霧盡消北風大起舟人放舡行
纔十餘里遂風忽作回棹還入石城內港島上有龍

王堂致祭祈風其辭曰伏以一介行李受神之賜多
矣繇登抵石其幾百里珠港滬磯解我久繫皇城鐵
嘴濟我濱死半夜祥飈飽帆而至跂予故國前洋漸
遙較諸來路杭可一葦感佩無涯情意何似伏乞神
明再斯顧視德安二三惠克終始更借順便於我舟
子得瞻望蜀神無乃鄙非不知足固當然理地本區
別寧久於此苟能耆力不過移晷神庥幾改余望不
已倘乘長風吾行也咫周覽島上有十餘家鳥語夷
面皆遼廣通民穿厓穴居無以為食飢困之狀不忍
看時候潮退採螺蛤充腸而已鵠形鳥類繞舡求乞

於是除出剝米六石賙給其中有一倣捷自言三月初六日新從虜中來頭髮盡禿公然一真捷也因言虜中事甚悉近者魚兒捷子有衆五六萬居極北深處方構衆於奴酋一與交戰奴酋大敗故今又再舉不遑於他而曩日捷順之役李永芳以詐計雖擒得張盤虜兵中凡亡其半且殞其子故虜勢頗虛弱云因問張盤存沒則奴酋喜得太將即解縛禮貌待以李永芳佟養性之間云上使艇猶不來

四月初一日戊寅晴曉頭長風偕便海波清晏自石城島放艇直向檣島帆影如鷗透空甲中一碧首領如

平浦綠繡問篙師則風自海底來者波蕩不平風自
地看來者波伏不興云日未午到恭島望見車牛島
故國接界舟人舉手指點可知為某州某縣之地列
立群山繚繞句連不可一一盡記而郭山凌漢山宣
川水羨島鐵山龍骨山最著於前蒼翠高聳齊呈喜
色薄暮過檣島轉入宣川堂後港口留泊待上使舡
來是夜具香幣祭大海諸神而謝之其辭曰唯登之
東我鮮之西耳其間相距不知其幾千萬里巨浸茫
洋粘天無壁方蛟螭鯨鱗鱣鼉作勢於波濤裏舟行
於此者徃徃而破碎淪沒者十常八九聽之者凋朱

顏泣之者堪白首苟非神明之所扶焉得利涉於竭
來自去秋迄今春芳百口免於罹災矧職之生還故
國復見老母芳益感佩於哀曲神之功德大海酌而
難名芳奚有接菲薄顧于誠不于物芳神庥幾來歆假
祭罷徹餼饗舟人仍以祭器及一行所餘糧饌沒數
分給

初二日巳卯晴早朝上使船入搬島港口辰正諸船
一時到宣沙浦萬死餘生重踏故國地斯亦幸耳聞
搜檢御史時無聲息許多人口奈何久留浦中援前
例下陸發送回泊狀啓郭山郡守朴惟健來候言職

遇彈之由蓋以來時挾帶沈濫軍官隨處作弊云前
秋九月日獻納金時讓所題也及聞被評則已無察
任之事不可留費官供故立禁翌早雇馬經歸

初三日庚辰晴霰竹宿定州私舍牧使丁好恕請與
相見之

初四日辛巳晴開家僮牽馬自洛下來留定姑待之
上使子李光源亨源來過午後未叱卜來到始雷渾
舍無恙

初五日壬午晴發到嘉山同年金成錢來訪主守陳
誠一亦會

初六日癸未大雨留行與金成錢終日叙語

初七日甲申晴發南安州尹填白雲山來候府使李時英亦來遇病達夜苦痛

初八日乙酉晴朝與尹填相別行到肅川中火將向順安府使安憂胤款遇留之甚懇仍館于東軒疾未愈不得已留宿調病陽德宰李應元來訪

初九日丙戌晴早朝發行中火順安邑令洪植三和縣令俞大逸偕來候午後到平壤館于私舍方伯李尚吉庶尹李敏樹判官權是中都事權集察訪李尚

讀皆來會

初十日亥晴中火中和府使柳大華來見午後
發行宿黃州南門外判官李流來觴我而牧使時未
赴任云

十一日戊子晴宿鳳山郡守金浚來酒之

十二日己丑朝小雨主守金浚且來欲酒辭以行忙
簿言酬之發行中火鈎水站文化縣監慶信後殷栗
縣監申景祐皆來宿瑞興府使安揚過我極厚還可
恠也邀任獻之叙語

十三日庚寅晴中火慈秀山信川郡守尹悅觴我宿
平山新溪縣監李以省來訪谷山郡守朴霽待我甚

厚未知何故也

十四日辛卯晴中火金郊路遇雨僅得達開城府館
于南門外梁龍家飢甚都事趙景禎自衙內致食療
之因來訪留守閔聖徵遣小吏來候

十五日壬辰雨甚不得行上使子前安峽縣監李昌
源來訪夕經歷趙廷虎來見慰之

十六日癸巳晴凌晨到長湍朝食府使韓璟來候中
火坡州酒幕牧使朴景業來見叙話良久上使猶子
前縣監李弘源亦來會路遇漣川宰黃璉班荆而語
路遇叅奉尹仲謙揖輒而罷夕抵碧蹄館宿高陽倭

架

十七日甲午晴食後到延曙永君偕許僉使兄弟及許崙來見夕皆還崙獨留家兒雋英斗英俱來

十八日乙未晴食後許崙入城洪壽一來尹舍章致書慰之

十九日丙申晴午尹仲初父子來慰仍言廷論以一行真後落沒簡通之奇云金晦卿致書慰之午後仲初父子旋歸仁必獨留

二十日丁酉晴午仲初來通兩司俱發論請拿鞠使臣某等首通事表廷老臬示上不允

二十一日戊戌晴終日與仁必開話傍卜持示兩
司啓辭反 聖批金暎卿致書慰之

二十二日己亥晴金自琬致書候之

二十三日庚子晴趙日章來訪臺評又與 聖批曰
既已推考觀其臧辭處之云

二十四日辛丑晴李汝華閔子銍來訪李弘源亦致
書慰之子銍因留宿

二十五日壬寅晴朝子銍還去上使軍官金汝鍾來
言上使之至會于弘濟院橋邊罷酒後入寓寒泉洞
李禧家日亭午拿命允下就義禁府原情日暮不得

入啓

二十六日癸卯晴原情判付內除刑推削職放還歸
拜母親于明禮坊家

二十七日甲辰晴權義叔自醴泉來傳李妹李內訃
音

二十八日乙巳晴以服制在家

二十九日丙午晴以服制在家

三十日丁未晴曉成服午後謁月沙因往哭鄭知事

九筵

五月十八日獻納權濤力言曰奏請使一行留置真

後于北京一月情甚分明而反以欺罔罪當削奪官爵門外黜逐於是多官論 啓 上即允削奪

二十三日 啓不允黜逐權濤之已甚論 啓蓋權

啓之謀陷故也同日府 啓又議請拿鞠羅夢賚來

訪

二十四日兩司合啓 上傳教承政院使臣到泊日

子及落後貧役到泊日子并查 啓李道章來訪

二十五日政院查啓 聖批荅兩司曰爾等之論奏

請一行留貧役于北京至一月之久去而使行以

四月初二日回泊貧役以四月十一日回泊則其間

日子無多而自北京至登洲二千里自登洲到本國
水路不知其幾千里若果留一月則落後僅七八日
奚暇及之爾等所論或者不的乎更為詳查陳啓
於是兩司不得已停啓

六月初一日李汝省來訪

三日

詔使入城

上親延勅于慕華館御恩簡

初四日沈習之來訪

初八日諫院復以黜送事論罪一付蓋錄譴官姜進
元失銀於涿州時事矣大諫尹暄主論劾之聖批
以推考

十二日詔使回還一行論 啓始傳大司諫尹暄且
以奏請使一行方物無置處執言欲誣陷一行將以
遠竄論 啓多官力止之不果

二十二日以李子正家不安避居于冰家

十月初五日 上傳教曰李德潤等首壞邦憲以啓
後弊在法難貸故已為科罪矣其竭誠完事之誠將
命越海之勞亦不可不酬職牒還給叙用

航海朝天錄

天啓四年七月初秋危檣跨海尺劍觀周風渡大海
霧列雄州蕭洒行裝匹馬扁舟

射言

恩兼奏請使書狀官通善郎龍驤衛副司果兼司憲
府監察臣洪雷謹 啓為聞見事作事臣跟同臣使
李德洞吳翻前赴京師今已竣事回還一路聞見逐
日開坐為此謹具啓 聞

改以
今詳

航海朝天錄

天啓四年七月朔扶危橋跨
海尺為觀園風波六海列
雄州 苗圃少裝區為廟舟

花浦西征錄

丙子十二月十一日辛巳夕義州府尹林慶業急報
奴兵來屯九連城烟塵漲天有越江之勢云矣

十二日率賊已入安州平安監兵使馳報連續入來
朝野涵涵無復防備之計也

十三日癸未邊聲日警賊報益急大駕定出幸之

策是日體府揀我首拔平遠府尹除授促行

十四日甲申甫謝聞賊兵已薄弘濟橋東殿先往

南漢城大駕繼出宮都中士女奔波騰喧係路互

相廛迫人不得行大駕將向江都駐南門上命將

士麾軍出擊和議尚在往復之際賊將馬夫、夏縱騎
蹴之。上促駕疾馳僅得脫水口門渡漢江暮入南
漢城賊追圍之夕我亦將母挈妻子往臺頭從兄家
從兄妻獨坐因知所為不忍棄去夜半同載渡仙游
峰上灘曉頭到鉞串橋是日北風如刀密雪交下路
上多有凍死者發兒自前在家時已患痘疫矣觸風
犯雪幾絕而甦艱難扶護僅得入金浦縣老親以下
凍餒寒戰喋不得語郡守李源接濟甚至極感極感
十五日乙酉路遇趙司諫日章自抱川勤王向江都
說大駕在南漢則日章旋焉而去發兒病甚艱得

興致種生驛驛吏河素山持酒來慰老親以下一行
先往通津新村我獨將發兒居停于郵舍之西焉
十六日丙戌日脫携發兒入新川則避亂之人填塞
津頭爭舟競渡莫由開路不得已退入寓舍往見德
浦僉使趙謙通津縣監蔡忠元乞令涉之亦無如之
何矣遇李行進于渡口則去以檢察使從事官方在
此矣

十七日丁亥船人竇龍自金浦驛囚而來云問其船
隻于厥子南山則都事睦行善已載家屬晨往越邊
尚未還矣苦待而已前承旨俞省曾春川府使金光

煥前持平俞樾前判官慎得義前察訪閔聖任前察訪李慶胤俱在此亦不得渡矣

十八日戊子實龍自金浦至持酒來言議其減津之事則其船猶且不還束手而坐逢崔聖止令公則言其奔逃時奉其母夫人令始還云

十九日己丑午後實龍船始來載一行乘夜向德浦而馬不得同載之故吾獨落後仍留于李於屯家夜與於屯子植男謀給木二疋賃船曉頭乘潮下泊德浦挈家屬入往摩尼山與旺里

二十日庚寅治任事留興旺里鄭吳卿閔希尹來見

發兒達夜苦痛

二十一日辛卯設行金澤遠李士豪要於路持酒送別酒盡揖罷往德浦遇趙正景禎于館裡仍徃廣成津遇睦行之李士宣欲渡去將由山郡間路赴任所衆皆以為自高相渡海趨延安由海徽而渡長連大津無不吉利故旋宿于佛源申汝清家夜與汝清吳卿同話

二十二日壬辰許木川伯來訪食後入江華府內謁尹相助于分司檢察使金慶徵副使李致求承旨韓興一禮曹叅判呂爾徵前掌令鄭百亨前正言朴宗

阜正字尹濟俱在因告行于分司則便付傳令于部
副元帥兩西監兵使急勤兵入援俄

人自南漢

懷有旨西來旨有曰賊兵圍逼南漢今已六日君
臣上下寄在孤城危若一髮外援不至通諭路絕卿
等將此岌岌之意自其處急遠傳諭都副元帥及諸
道監兵使處使之星火赴援前後合擊期於勦滅以
救君父之急且本府防備諸事各別統飭津頭渡涉
切禁雜人俾無一分疎吳之患豈得死士某條回報
事本月十九日酉時草下分付傳令都副元帥
以下國事至此孤城危惡人臣分義食息不可緩已

具檄文再次飛傳而兩西握兵之臣尚未聞一人入
衛者未知貴道作何舉措賊兵深入 大駕播越之
後猶欲各守城池以為自全之計萬分無據率勵精
勇星馳赴難以救君父之急此賊元數不多且甚疲
殘而惟我國軍兵未及聚會得以衝突至此萬一奮
發直進則此賊必有潰散之勢此則不待明者而知
一向退縮與其死於國法無寧殲賊而不必死者乎
前日檄文已為詳及各別惕念毋容片刻逗留者云
分司分付畢受後跋去宿于府西寺洞校儒李潤白
出身李潤善家憑寄家書

二十三日癸巳曉發往寅石津開城留守韓仁及檢
察從事朴宗阜已在津頭矣同渡宿于高桐北津漁
家前恭奉朴璟持酒來言避亂士人進士趙琦前縣
監許址李夢亮李瓊林來見寄家書于瓊林傳之

二十四日甲午朴從事子厚自喬桐馳來同渡取義
津入延安府使金可久已入長壽山城本府城中一
空府吏金哲承護金得男來見求得一杯酒却寒與
子厚連枕而假寐

二十五日乙未晨與子厚偕行將往長壽山城見黃
海巡相欲傳分司傳令甫出城西明則走回人自長

壽榮言賊兵昨日已陷安岳時在青城隅遍滿一路
縱兵鹵掠云子厚將此緣由馳報分司旋入府中吾
行則不可停止因寄傳令三度于子厚送報元帥府
黃海監兵使而因馳到青湍驛延處村舍遇士人申
宗玄出身申宗俊持酒來饋秣馬後疾馳入海州城
中城中無一人現存立馬盤桓之際州吏吳太玄來
問行李聞知賊兵自安岳大掠而東急出西門寄于
正兵崔尚一家尚一方齎糧往首陽山城乞留半夜
暫憩南部洞尹叅議煌家奴永男亦在此中自言秋
初韓亭下鄉今被兵不得上去云

二十六日丙申晨欲發行不知賊兵所在指向無計
部分一行下人使朴德成全天主等驍尉數三人先
為斥候期以十里相護而仍使其餘下輩尾來殿之
時或疾行時或徐行晡時飢乏馳入自賢洞老兵李
忠家做飯日已曛黑不得已留行夜與李忠打話則
為言青坡申僉知成立農庄在一洞中其婿林德成
曾為看護今以海州將官往守山城云

二十七日丁酉侵晨起程依前部分下人趙信川林
馬轉入文化仰告里所獨家家有老嫗泣且言厥子
所獨方在正方山城帥府管下死生不知撫膺痛哭

反覆辨究至情所敦如舊相識益覺老親別我心懷
無異此嫗曰飲泣不能語

二十八日戊戌晨踰九月山石寺峴八長連盤巖村
前副正朴增茂家增茂之子文顯文星文翼文榮文
昱等來見饋酒食仍言厥父時在正方云使驍尉二
人往見馬治大津則來報水漸撐塞船皆淺閣決無
利涉之計云本縣代將張翰伯來見遺米斗若干資
行京中倉洞金孝男來見仍言將入江華憑寄家書
二十九日己亥自長連還由來路橫過安岳路過軍
兵或具甲冑或持弓矢布路而來駐問其故則荅云

昨日元帥宗正方由山谷向京一時潰散矣惜乎不
先撫養不得其死力雖是司命者之罪而民情大可
見也三百年祖宗遺澤其已盡耶極可痛心行到

安岳郡西車尾川村遇隸人洪興一即京中士族也
乃許有秋之妹夫相逢各道苦懷仍言方欲前進乎
壤之意洪生驚曰賊氛方張弥滿山野觸處兇鋒無
隙可乘而公以單騎欲投餒虎之口何功之有公私
無益為今之計莫如俟賊小退萬全為行矣此距北
三十里許有漏奴津界限龍當待冰漸稍解越去緣
海直赴平壤甚膏云朔以犯夜同去里中有尹宗之

奴鋤龍來問厥主之避兵形止仍持酒肉來饋夜半
與洪一之并轡入漏奴津頭依管餉船人僑春家僑
春子億福自正方已逃故笑竟日獨坐揮涕苦戀

行在而臨危授命之後賊兵交橫道路遮絕不得及
期赴任勢雖使然而君父墮在圍中人臣分義不

可一刻安坐但平壤介在賊路初頭已為空城設令

走入已不可為矣得一律

詩見文集

是日漏奴津頭倚馬

草報云云庶尹於本月十三日政除授本職賊報益

惡乙仍于翌曉肅謝俄傾賊已薄城下為乎等以

大駕蒼黃出宮都中崩潰庶尹艱得脫門將母避兵

移置僻處賊已遍滿一路不獲已趨入江都仍授分
司分付星火走官為乎矣兩西道路人烟斷絕兇鋒
搆扇穿山跨海出入賊中十生九死徑投海畔下自
長連白馬津上至安岳青龍浦三日三夜渴心經營
冰漸撐塞舟揖淺閣勢甚狼跋百計無策為在果分
司所授傳令三度謄書有 旨一度段為先使伶仃
下人驍尉崔甘同尹末成李林等間道懷送為遣庶
尹段置覘賊形勢多般設策乘夜潛行計科為卧之事

上巡相書

兩聖方在南漢圍中賊勢日熾外援不至孤危已甚

因極奈何呼天痛哭而已漢受命於此時為賊所
攔不即赴任其為憂悶如何如何都在草報中不宣
三十日庚子招舟人億春謀渡前津則潮水漸蔽
江如山無可奈何夕與洪生上山頂候望賊火處處
焚蕩光燭漲天指點可知為江西三縣中和黃州鳳
山瑞興平山海西列邑慘不忍見心膽輪困無以為
懷寓吟一律詩見洪一之妹夫南達源字遠伯來見文集
慰勉仍與同宿

大明崇禎十年歲次丁丑正月初一日辛丑偵探
人朴德成自鳳山歸言賊遍滿山野鹵掠人民牛馬

殺害殆盡云吾行次無前進之勢津渡越邊龍崗缺
島突石村民為賊所逐赴死水中者甚衆或登冰版
隨潮上下疾聲呼無路援溺慘慘而已與洪一之
南遠伯終日目擊徒相心折仍到夜分不寐寓吟一
律

詩見文集

初二日壬寅欲為跋去早食後遷舍東村洪一之踵
來懇留徘徊之間多人自鶴峴疾馳急言寇兵且
至與洪一之走入漏奴津頭完城農舍奴李福男來
見我曰獻租廿八斗濟我糧之洪一之婢子彥玉平
壤人也自言曾住大同門外來饋酒饌一之母夫人

避兵入慶江邊巖穴婢成春為落石所傷頭顱破裂
將死教以俗方救療一之遇我甚厚奴僕等無不致
款其中彥松正同智積并金等愈益謹焉

初三日癸卯晨坐下人來報賊兵且逼偕洪一之南
遠伯走入巖穴穴在漏奴津西南岸僅通一條路行
可四五里許穴表裡頗寬平可容數百人三面斷絕
揅天一面帶河巖一角走入波心潮上人不得通潮
下則一人僅緣巖角攀躋難透一里中依此仰浴矣
初四日甲辰聞寇退後疾作出次村舍終日苦痛夕
韓僉知振洪來見自言故武弁堂上韓絜側產京甲

新門外居韓振漢乃其嫡子而都事任賚之叅奉金
錢俱是嫡妹夫云洪一之告往東村

初五日乙巳發行過薛洪一之一之憫我輕投賊所
苦留仍招青龍浦船人成應春問其可涉之由則應
春亦以為難因以不可久留之意據義陳說一之撈
然呼奴令備糧饌定於賊早發行

初六日丙午鷄鳴發程直渡載寧近津飢乏欲為中
火村落盡沒無憑寄寓彷徨間有一人自何方來為
言朴魯直舍音奴希孫也仍問厥上典安否懂得做
飯療飢後渡栗串津疾驅入鳳山二西面說伊串日

已夕矣村人避賊入山緣下為食見我驚惶散走使
下人傳言赴任西關之事人民復聚做飯後乘夜疾
馳行到棘城賊縱火火光連空一行驚怖欲散去於
是勒馬不動開諭萬端人心稍定遂整隊而行旋賴
賊火燎明得辨路歧而去轉至黃州三田作夜黑如
漆咫尺不辨飢乏又甚聞犬吠尋入一村舍舍前僵
屍相枕投空家得一小島為白鴿療飢達夜直走龍
崗大羨津天始明矣終日經營江水泓澌西北風又
大作終不得渡遂入江邊村舍暫憩即發行行到黃
州禿山山上有數百餘人見我一行疑惑持滿舉炮

爭欲射之急言行事衆皆驚謝因慰勉仍言黃州出身趙完壁募集帥府遮軍及鄉兵以備盜矣

初七日丁未自伐業山趨昂耳山喫舟渡蛤島下流始達平壤寶山城江西縣令李大純已在城中城守器械稍完矣城中將官前司果權浹為中營將出身康元淑為左營將出身鄭順男為右營將而避亂士夫則前正洪乃軌前察訪康文翼前縣令李德輔前縣監金峻德前奉事玄進善崇仁監鮮于震前參奉楊懿直鮮于決新及弟楊漸亨楊景億進士洪俱率伎兵一百五十三人同在城中而其餘則變初各自

潰散守堞者僅數百餘人舉皆凍餒將死滿前號訴

許其改收餘燼開門放去是夜無眠寓吟一律

詩見文集

初八日戊申聞巡相時在慈母城馳報到任狀回上

私書謹伏問道體候若何漢於今月初七日早朝始

達寶山城中十生九死縷命僅存此實天也固非人

力所容為但此城守器械萬分踈吳虛擁白徒人皆

赤土惟當圖旋務得人心倚賴聖主威靈活保數萬生

靈則卑賤之責盡矣行宮消息杳然莫知如有所

聞一一下示不宣某頓首再拜

巡相答書

得叔主於此時何幸何幸續承手札仍審得達寶山
仰慰仰慰連聞吉報而不敢安坐城中與兵使領兵
前進軍官將士盡為領往此城亦似虛疎故不副所
示餘在公事中伏惟下照謹答上狀

與慈山縣監李仁健書

二聖蒙塵國事至此痛哭何言孑生九死始到任所
莫非聖主威靈所及不然安能得脫豺虎叢裏驚
魂悸魄尚未寧靜自怜自怜本府以空官處初板蕩
尤甚至於文簿間所用筆墨亦之如有所儲分惠是
懇

行在消息香奩詩悶局極如有所聞示及為奴不宣
慈山答書

國事至此夫復何言頃聞尊行間開跋涉伏以為慮
不料今日伏承下書不勝感泣之至仁健奉使道僅
守此城而巡使今日分司傳令今方出城此後凡事
漸至踈隔罔極罔極昨聞京報留都大將與畿伯率
都民擊逐在城之賊又發精炮誘引賊衆斬殺五十
餘騎而三南之兵與北軍幾盡來會去使賊隻輪不
返指日可期多幸多幸教來青筆二柄黃筆一柄送
上而墨則盡用無餘奈何縷縷心事撥不能一一

平壤府曉諭文

日於寇深之初本府以空官衆無所統失其依故哀
我蒼生偏被兵禍至於府屬各項僕隸將官牙兵之
類同是星離寬身迷方實非背公情勢固然子遺殘
命顛沛何處撫念至此慙惻曷極目今廢尹來莅職
事則衆可謂不為無長其各將父母挈妻子劃即來
赴務為完聚俾無後悔且聞帥府遠散軍兵幾盡還
家去身既犯律決難自便唯當改心易慮舍舊圖新
覘賊形勢或躡後追擊夜斫營壘或折馘執俘期樹
將來之績永揜已往之眚我言不誣咸聽勉旃是夜

無眠於枕上得一律詩觀

初九日已酉巡相召還假判官姜綬姜綬以監察曾

在巡相幕下愛初巡相慮其空官無統差為假判官

幹治凡事為人刮明曉暢軍事可用人也是日早送

敏慈城巡相飛報令司募送府奴台鶴于江華即給

免賤帖與江西議事後獨坐心懷不平到夜半不得

眠東望行宮構一律詩觀

初十日庚戌龜城府使黃胤後奴子自藥山來曾聞

防禦使李浚同在此城意謂其婿尹塲已隨副帥行

到德川遇賊為沉矢所中僅得逃身去因寄書于尹

塙西米逢人則輒問君消息今始聞得中路被兵而
傷驚愕罔涯為候即今調治若何惟冀萬分珍攝京
中則上年十二月十四日賊兵已傳城下兩宮僅
入南漢城內外士女奔潰兄弟家屬同時走通津本
月二十日由德浦入江華俱無恙安頓更勿以此為
憂生臨危授命投身賊中十生九死一縷餘命僅存
今月初七日始達寶山城矣自餘多少心擾不申因
搆一律寫懷

詩見
文集

十一日辛亥聞巡相與兵使領兵自慈母城發向行
在所馳書以候曰辱書來僅審得不日勤兵而東勤

王忠憤凜凜堂堂有若卑職之驚劣尚且激仰增氣
何況烈丈夫好男兒孰不欲賈其餘勇只自撫心按
膽瞻仰而已苟念漢以腐朽豎儒得寄孤懸所倚恃
者惟相公之節度而一朝至此奈何奈何且相公比
抵行在聖明必不令相公更入西關尤不勝缺然
竇山城事業已與江西縣令相議完聚賊雖衝突之
以戰守而倘賴聖主成靈則可保數萬蒼生准擬
是勉焉但冰泮之後竊以孔耿兩賊為吳矣舊日部
曲依今付不敢強留一一督發趕去只祝師行獲吉
急期勦寇以解南漢之圍握筆茫然泣血潦草不宣

早食後與江西出北門樹木柵董役帥府逸軍徐應
男執假璽一人來獻曰使應男押送于巡相行營

十二日壬子送軍官于境上募集帥府逸散之軍北
柵未成偕江西董役是夜到曉不寐構一律遺懷詩

集見

十三日癸丑送偵探于平山等地北柵未成病不能
躬往使營將康元淑董役洪一之自安岳送一力致
書問我行事其書曰伏問賊藪中行李如何別後懷
抱之思不如不相見也况聞賊兵無數上來欲知導
駕無事得達與否為此伴人興一縮在海角如鷺如

暫京中吉報迫然不知而更無避去之地只待死亡而已此後重逢何可必也云荅洪一之書謹承來書豈直為私感審侍慈闈尚得安保傾慰十分漢圖晝夜兼行今到寶山城此實天也詎容多言前在襄邊已極恤救繼以馳書探問吉凶惟哀義氣求古亦掃銘佩之牢只有寸心而已以糟兩元適有齷齪者販送幸一奉大夫人餘懷縷縷以此目濤一律詩見文集十四日甲寅以巡相分付送趙緝等往慈城都事田開自慈城致書伏問數日來政體何如伏慕不已小民初十日馳到慈城則使道已領騎步二千出南門

啓行追及江東界拜謁翌朝兵使亦領三千來會適
有持狀 啓回報人自 行在所來言曰南漢城中
兵糧俱足三南將士皆來會近處而留都大將擊逐
城中賊入保白岳賊衆屯聚南漢城下為官軍所殺
斬級已至三千餘云矣副帥見敗後劍髮於介川見
殺於成川云

十五日乙卯鷄初鳴遙拜 行宮懷抱甚惡寓吟一
律詩親朝江西致書言前縣令李德輔去夜脫身潛
逃云慮城中搖動衆皆潰散即送裨將盧呂男縛致
戮罪貫耳徇衆決棍五十

十六日丙辰早朝召儒生等五十餘人使輸聖廟崇
仁殿擅君殿祭器北柵未成送康元淑董汝

十七日丁巳偵探人李祥還自鳳山言賊兵屢敗於
南漢城下早晚退散各於江灘要害處把截埋伏事
持有 旨一人下來去

十八日戊午巡相去後南漢消息並無所憑聞日夜
憂悶使軍官李泰達帶騎尉一人追巡相去探來
仍舉李德輔犯律事馳報今此寶山一城其小如斗
防備諸具亦多罅漏公私掃地亦立由是人無固志
僅度朝暮不教之民爾集不教為亭等以百端撫綏

難以定舉為如手前縣令李德輔以水冠士夫率負
國恩不有軍令倡自脫身來夜潛逃與情愈益殺亂
轉相荷塘而立數萬生齒將至崩潰莫收為在同李
德輔罪狀既犯軍律法當可斬乙仍于跟尋縛致貫
耳徇衆姑寬其死為先決提五十度為卧子事

上巡相書

前於申緝等故謹奉一書想已下照未不審師行令
抵何處聞寇勝兵多在山郡列邑去數千懸軍十分
可虞幸毋輕投虎口終始獲吉如何早職僅收餘燼
廢事板蕩竭心經營頓無下手處憂端奈何一自

相行去凡千節度敵為亦無所申稟尤不勝驚愕
閱白面兩書生徒相激厲務結人心而已李德輔事
極可痛惡都在報中此不復舉今送差人專為南
漢消息相公行李而往伏望一一下示劈破疑慮道
路耳目互相舛錯難真故為此仰陳情益辭感謹拜
草陳不宣又都事書自慈城來今月十二日謹奉一
書仰候動靜而恐未及達即者伏承伴來下問仰審
政體萬安伏喜伏慰十四日見使道在三登傳令則
自行在所出兵擊賊禽一大將斬一大將斬級甚
多帥府在兗山狩遇孔耿兩賊大戰殺獲亦多新谷

之間官軍乘勝前進想是巡相所送張別將兵矣喜
幸喜幸山郡避兵士民無一家得全成川劍髮寧遠
見殺而李進全家福沒云矣慈山倅書報亦同前
言報如出一口歡抃何極是夜戰船將李仁權自大
同江下來言平壤人金孝信當初被擄上京今月十
三日夜脫還賊屢敗之後退屯于鞍峴方且乞和且
云賊中大將三人以船交帳為幙常同寢處時夜與
數人出觀乾象頗足指膺相對尋適去意必漢人
入者脫解天文為其苦也而然也孝信本以毛衣匠
常在賊陣中捕綻諸賊破衣須臾不離見知其形勢

賊已大半摧沮弓矢幾盡欲用我矢則矢口窄小不
適賊絃交筋束口引滿輒老無復可為南兵使徐佑
申以馬兵裏戎大破去孝信之言似實其喜如何江

西縣令送二生魚感賦一律

詩見文集

十九日己未北柵始成走回人金孝信又言今十九
日將舉大兵勦滅餘寇去雲陰相薄殺氣漫天主客
勝負難知徒自煎慮而已倚闌東望目撐一律

詩見文集

二十日庚申北柵畢役鑿造炮穴日樹大炮數十餘

穴慈山倅送白蜜救藥用感賦一律

詩見文集

二十一日辛酉日聞

王師屢捷賊勢已摧道路行

言前後相符勦滅無遺計日苦待猶恐變兵且至事
出不虞於是逆偵探于清北回遣書防禦使李浚于
安州其略曰數日來京中言報路上走回人等傳言
并一一相符喜幸何極猶恐後寇且至事出不虞為
效一得之愚伏望謀與列城諸藩謹作候多間牒毋
蹈前轍更以賊遺 君父如何想轅門方略料敵如
神保無此憂而如是云云者亦書生之過慮也汝安
傷瘡今復何似并此仰候不宣是夕觀山縣令邊大
中來過持贈李次聖書曰國事至此同極同極此時
此官何榮之有實是吾輩之所恥也忠貫日月言凜

霜雪而反纏黑綬作此關外之行私歎奈何生於去
臘初旬往于李承宣叔處中途遇賊使身徒步艱入
牛山之城所率兩奴被擄時不知死生悵望家山杳
無歸期衣不掛體口無糲糒將未免牛山之鬼痛哭
而已如有縋袍未可救范叔之一寒耶此身存沒無
緣傳報于江都此時一問之當千金如或目便有寄
否京報亦墜下示俄傾越邊中和地曷耳山士女奔
遑爭救巖穴急引輕快船問之則賊兵自黃鳳之問
馳突去即令吹角戒嚴申請禦具到夜疾益甚心神
煩惱倚枕假寐目起曉往賊得一律詩觀

二十二日壬戌官人台鶴自江都帶家僮茂作金還
求彼此消息始通渾舍官好保私喜可掬而第南漢
圍尚未解 御供一事亦至沙澹 聖上食前惟泥
水一后凍監繫箸云聞來不覺墮淚矣自城中屢出
兵接戰吉凶相半而請道勤 王兵皆已來會時未
交鋒 朝廷因賊請和議方張自上牢拒不聽曰
此寇無故動兵使我百萬生靈盡為魚肉已極慘痛
豈忍與更為和好乎然廷議殷同早晚和必成矣韓振
南南兄在長連送書已得見之今又承訊始知無事
得還慰甚 國事一向危急援兵四集吉凶相半無

計解圍只時蒼蒼耳又聞副帥敗衄云天也奈何兄
之一家時無所言如有之何敢不圖紛擾不申長子
自願

晁元書中備盡京中消息大槩鐵串僉使

自願

出戰而死南陽府使尹榮為賊所執不屈而死白川

倅洪景澤亦被執死生莫知云完豐君李昭蓬萊相

鄭昌行俱已病卒于行在所矣自得家信之後心

神稍定為賦一律自慰詩見文集是夕賊自中和直度大

同江入平壤城中急呼將官分付軍兵待變回令舟

師接濟避亂士民達曉奔忙爭舟多有溺者

二十三日癸亥曉頭賊縱兵大掠五十餘騎先犯北

柵使精銳放炮鼓噪而出賊退去可恨者自徒無甲
不得脫柵而追擊坐觀通寇曩日治兵繕器終歸何
處 國家之分置列帥預養士卒皆是虛費矣

二十四日甲子往中營與江西大閱觀兵左右守壕
者合一千二百十二人將兵精銳五百餘人城中人
口亦且數萬人多賈勇皆願一戰而但無甲之士不
可使徒死故不從 平壤有鮮于生者名浹字仲潤
是為箕子後也 箕子始封於朝鮮而子孫有食

采於于故合而因氏焉生頗明易又通天文數與語
於聖賢書亦多尋繹曉折 儒雅可尚余莅職西來

有不釋其冠憂使之卜吉凶輒驗大異之遂賊一律
以贈詩見文集送偵探于本府及黃鳳等地走回人自府
中來言賊已發向安州云

二十五日乙丑旗牌官宋仁鳳自安州偵探而還因
致防禦使李浚書曰即奉尊書憑審尊體有相伏慰
且謝 國事艱危至此痛哭之外夫復何言浚請報
巡使願為出征而非但不許旋令移守安城故十三
日來此京報漠然無聞只自痛泣度日而已所教事
何忽昨見義州軍官持來文書則有曰限通遠堡偵
探則守堡老弱胡若干名外絕無後軍云想必沒數

出來本穴空虛矣汝安一到鐵磨惑於妖物樂而忘
歸言之奈何去臆初十日警急之後立馬勸送則潛
駭妖物留連香山底四五日十六日始向德川賊隨
至故死生莫知今因義州人自孟山還者云路逢家
奴同汝安行者則為言中路遇賊難以得生丐乞于
此足凍不得還鐵磨云汝安之不得好行可知痛泣
而已更以詳細聞見事送入于孟山耳女息生入江
都云幸幸而汝安若不吉則莫如繼死之為愈也心
神煩亂謹此今見李浚書則尹填死生亦難知矣不
勝痛歎遂賦一律

詩見文集

二十六日丙寅舟人爭相抱牒而來言管餉使裨將
曹弘業憑籍威勢盡棄漁商舟楫十餘隻水業資生
之人無以糊口勢將飢死乞令推移充載除出若干
船以濟貧民云聞諭此意于弘業則終不肯聽痛甚
痛甚弘業於夏初將管餉物貨裝載三艇下泊于寶
山城底棄民艇十艘分載取贖潛與市井輩同謀受
價仍帶挾艇并十五隻惟利所在至死為限民冤朋
興不得已以江西有管餉從事之名故使衆民往請
曰以一律挑之

詩見
文集

二十七日丁卯欲候次聖于牛山將以明早發送方

折東甌山縣令邊大中送禔符兄來候次聖書至因以前書送之曰前書所敷令人酸骨即何旅泊徒增恚急生於去臘旬三日除授此職翌早賊已薄城下大駕出宮都中崩潰其夕蒼黃將母十九日始達江華渡頭逢尊岳君認得尊在此矣生安頓老親後卽由寅石津越喬村敢義渡投海徼出賊中幾死者數矣艱危萬狀詎容一口正月初七日蒞事實山城此實天也固非人力所能為殊未知此行其誰使之寇已充斥之後駟迫而來單騎虎穴笑覆兇鋒天乃眷顧獲全軀命皆是聖主威靈所及不然何以得此

統駕後逢人輒問尊消息則無人識者最後有一金

自言相尊為丈

石行也云尊時在牛山欲送人興

致則因說其不可捨來之勢故還停耳聞外相知人
有幾必無如我者未可脫然而來終始同死生耶衣
糧若干奉助萬一惟在領得故人情而已京報近來
援兵四集吉酋相半南漢圍尚未解云同極同極江
都消息欲通成送無妨咸從本家書傳之心擾不申
更將餘恩寓賦一律詩觀

二十八日戊辰門警洪景天宇振邦來自洛為言照

兄起邦曾隨朴魯因陷于賊中不歸故訪問吉凶云

仍說集當初扈駕入南漢今月初十日實有旨往

江都本月二十二日自江都出來則賊報如前而路

逢朴魯奴論鶴則云朴魯時在賊中不得脫卒與左

營將康元淑點閱諸色軍兵因以一律示江西南縣令

李一之

詩見文集

是夕登寶山峯寅餞納日東祖漢陽思

甚悄然又記之

詩見文集

二十九日己巳困憊晏起李一之送一紙即慈山營

吏書也目巡相傳令告今月十八日三南軍兵與賊

大戰賊大敗退屯高陽賊將送龍馬兩胡乞和自

上命斬兩胡不聽云虛實間不覺并躍書以識喜焉

病甚一已食不甘於口座首金拜價盡心救療且得
華虫來為賦一絕

詩見

是夜無眠坐久忽聞江上吹

笛拜感而賦之

詩見文集

三十日庚午申緝趙斗立等來自慈城回言咸川府
使金瑋定死其妻李氏托於村民乞食云婦女羞辱
至此則不猶愈於死哉寧遠郡守姜鶴亦為土賊所
殺云號尉金乙福還自牛山次聖答書曰此時書問
既云感矣况此身章口資專使帶來賜語殷懃情出
尋常加以瓊詞表尊尊意圭復再三感激淚交零何幸
此生致有如此之

輝耶

己丑五月日慶尚道
知禮官開列

花浦先生西征錄終

自夫商錄告訖夷齊餓死父師
同儕而天下後世之為人臣子者
知不事二君以義國之將亡循節
死義者代不乏人而不過忠臣
事君為其主而已至如大王之稱

共惟帝臣五男之君於義無間則
列國諸臣且以事其君者事之而
春秋二百四十二年之間五伯迭興以
尊周室揀夷狄為名然中肩之
禍慘矣問鼎之計凶矣十數藩邦
曾乏一人慷慨憤厲捍衛分疆討況可

望捐軀以效忠平冠履
倒置矣曰契倫羈紲矣陳
夷至於七雄世周宗
社危如綴旒而視猶弁
髦以爲帝說以爲
於捐軀者名而諸侯固畏

素強無敵異曰之有魯
仲立先生者特立不挽念
然痛斥至之字蹈海一言
絀之將之却求軍使一書
之人不敢復立帝求素周
之齋能守之且之者獨

此一人也自是邪後歷漢
唐宋千七百年之方正國破
家相隨終之以謂陪堂之過
淺乎乎云云矣洪惟我
皇明之季子金之易僭稱神
為禮樂之正亦陷腥膻之

數則全德之羽又安於我
肉不無謀惟命是從時則
花浦洪先生以忠義抗
疏斥絕至請斬使君之
凜之有足以破賊孫之
勇使聞之者為之畏而
色

堂則甚惡之及其動兵亦事之
不得絕和者廿一朝廷以公
及尹公集吳公達治界之世稱
三部公為首也公自平壤
往石城較系以拘藩獄十許日
勇屬詰之不屈卒之從之鉅渴獲

以却之息安舒無毫毛
少挫索低等投一書視死
如歸唯公以東偏一介之秀
才抗百萬犬豕之狂虜非不
知公側之禍迫於眉睫而惟
萬計必求之志素積于中不

暇顧身以遂以路其樹立之
卓之空但仲連而心哉然亦
仲連當空亂之時以心之仲
大義於天下而世皆敬重身
名俱全公則生文獻之稱以
足跡明之理於既晦之人而顧

籍陷諸死也烈士以遇

時上有子不幸而壯耶是

則重之痛惜也已改於江者

陷公之夫人許氏及長子

晬元之妻李氏並遇

勇不污而死於鄧蒙忠孝

子部婦之必平於一門此實
爲母之必平有豈非公化範
之不及耶不佞於公歿後幾
三十載柁迹門蘭湖西之鄉
以公桑梓之故里也晚又佩
符於山嶺左堂崇之間以公

童子以遊如想像遺風

俛仰陳迹若今有年間或

曰心老逮事者恐中先生

自少時奇偉調德雅尚

節立身出口體若不勝衣

而為中士之法節死之人則儀

形于色已窮慕于心必以速省之
其稟性然也望之將降大
亂必生魁傑之士使之扶植人
紀之公心自許以一身任三百年
綱常之責至於廢棄粉白之
悔也耶其封為子載祀永

之福免為左袞之俗際先生
生是賴也

神宗皇帝再造偏邦之盛
德至恩畢竟酌拔之功
先生伊誰歸哉嗚呼此所謂
即宇宙名懸日月而永

蘇於千萬世之後笑曰古之
名士莫不皆有文章之與
公之於文章格後逸以深思適
爾詞賦乃其長也惜乎兵
燹之餘茲送殆盡之存者
亦山其毛也王之隋珠荆玉愈

少愈秘則又可說多字哉公之

孫今知禮俸禹錫甫哀集

以爲篇將豈梓喙之不佞曰

先祖文字今方樓板子以

無一言以識之不佞弗能曰先

生文集并首之爲先正撰

之跋尾之辭詞伯記之引重得美
固曰善矣又何容他言之贅為知禮
君請益固辭不獲則乃曰記昔早
年前先生行狀未及撰出不佞懼
其事迹之久而泯沒採撫傳中之
信而有徵者屬之草藁矣雲

沙李相國於公有姻誼也
就加點竄仍請於尤齋宋
先生剛潤以行於世則不佞之
於先生固已犯汰戾之譏矣
於卷末數行之文終始牢讓
則所謂放飯流歠問無齒決之類

其可乎哉發心語而西人之熟復
其文辭則一言一句莫不忠孝
中出來斥和疏以胡和魚請
斬重使之家烈也投汗書曰
顏杲卿怒罵祿山之忠憤也
西征不迷踏青一律勤王

忠感時之懷發於言志
切然懷直與文信公嶺海
獄吟嘯諸作同出正氣之
夫朝夕錄歷世海路之
險彈記中朝之文物能與
左海之人有若躬造而目擊

此則雖與吳季札觀周樂
樂之說並流於天壤而不
為僭矣遂掩沐之謹跋焉
時屠維赤奮若季春
下澣陽川許琬跋

謝題以信起超

在在處處皆有

此書矣蓋此書之妙

不可言喻也

花浦先生遺稿跋文

此書之妙不可言喻也

明倫彙編 家範典 卷一百一十五

家範典 卷一百一十五

家範典 卷一百一十五

家範典 卷一百一十五

家範典 卷一百一十五

家範典 卷一百一十五

家範典 卷一百一十五

家範典 卷一百一十五

